

## Ljóssins borg.

Jafnvel fjölfarnasta gata Reykjavíkur, Corso höfuðstaðarins, hefir annað til síns ágætis meir, en ljósadýrð, og má því búast við, að ýmsum kunni í fyrstu að koma heldur undarlega fyrir sjónir sú frétt, að nú sé farið að kalla Reykjavík Ljóssins borg, einsog gert hefir ágætur Englendingur, Mr. Adam Rutherford, í nýútkominni bók sinni um Ísland. En að vísu er þarna átt við andlegt ljós, sem höfunduirnn kennir við alt Ísland, þó að einkum skini það frá Reykjavík, og telur ekki minna um vert en svo, að í því ljósi muni allar þjóðir ganga áður lýkur. Eg hefi sagt ítarlega frá bók þessari, sem heitir Icelands great Inheritance, í 40 töl. Fálkans, dags. 2. okt., en ekki hefir neitt annað íslenskt blað á hana minst, svo eg viti til, og eru það þó engar ýkjur, að bókin er stórmerkileg. Hygg eg að víða mundi hafa verið á það minst, ef íslenska þjóðin hefði einhversstaðar verið til hálfsmánuð við það sem hún er lófuð í þessu riti Ruther-

fords; en slikt lof er óendanlega miklu þýðingarmeira en nokkurt last. Auðsætt er, að nokkur andlegur skyldleiki muni vera með þessum ágæta Íslandsvini og landa hans William Morris, sem í frægu kvæði hefir af svo undursamlegri andagift spáð um framtíð Íslands. Er sú spá engu síður aðdánleg fyrir því, þó að ekki sé þess þar getið, að eitthvað kynni að koma fram hér, í ætt við Loka, til að teyja fyrir komu Baldurs. Íslenska þjóðin getur ekki minna gert til þess að þakka þessum mikla spámanni og Íslendingavini, en að kaupa bók hans, og er það auðvelt, því að þó að efnið sé hið stórkostlegasta, þá er fyrirferðin lítil og verðið mjög lágt. Grein þessi í Fálkanum sem eg gat um, ætti að geta orðið mönnum talsverð hjálp til að lesa bókina og skilja til fulls. En án slíkrar hjálpar er nokkur hætt á, að lesandanum geti orðið um of starsýnt á það sem er einungis nukaatriði í þessu máli.

10. okt.

Helgi Pjeturss.